



SIPA UPUTILA ZAHTJEV

Istraga o BIB-u

Agencija za istrage i zaštitu (SIPA) BiH uputila je službeni zahtjev da joj se dostavi zapisnik Deviznog inspektorata Republike Srpske o izvršenoj kontroli Balkan Investment Banke, javlja poslovni portal Capital.ba.

"SIPA je prije desetak dana uputila zahtjev da joj se dostavi ovjerena kopija zapisnika Republičkog deviznog inspektorata o izvršenoj inspekcijskoj kontroli Balkan Investment Banke koja je urađena 17. decembra 2013", rekao je dobro obaviješten izvor Capitala, dodajući da institucije RS-a još nisu odgovorile na zahtjev SIPA.

Otvaranje istrage o poslovanju Balkan Investment Banke, danas Banke Srpske, nastavak je sveobuhvatne višemjesečne istrage koju SIPA i Tužilaštvo BiH provode o Fabrici glinice Birač Zvornik i povezanih firmi dok su njima upravljali Litvanci i Ukio banka.

Proširenje istrage i na Balkan Investment Banku dolazi u vrlo nezgodnom trenutku za brojne funkcionere, posebno direktoricu Agencije za bankarstvo RS-a Slavicu Injac, koja se već nalazi u kućnom pri-



tvoru zbog Bobar banke. Postaviće se pitanje da li je kao regulator bankarskog tržišta znala šta se dešava u BIB-u i šta je o tom pitanju preduzela. Također, Mira Bjelac je bila predsjednik Kreditnog odbora i direktor Kreditnog sektora u BIB-u kada je odobreno najviše neobezbijeđenih kredita fiktivnim firmama, da bi nakon toga postala predsjednik UO Agencije za bankarstvo RS-a. Nezavisno od istrage SIPA, MUPRS-a je 20. novembra prošle godine podnio Specijalnom tužilaštvu RS-a izvještaj o počinjenom krivičnom djelu organizovani kriminal protiv 21 osobe, koje su osumnjičene da su oštetila Balkan Investment Banku za više od 56 miliona KM, piše Capital. ba.